

Vene l' orator de Fiorenza, per

Da poi disnar, et la matina, parloe domino Alvise da Noal dotor, avvocato di sier Luca Loredan, in le do Quarantie, el qual compirà da matina.

Fo Collegio de Savi, et l' orator de Franza mandò a monstrar al Serenissimo una lettera li scrive el re Christianissimo, da Angulem, di 26 di april, li scrive come era venuto li, et li danari erano stà dati a li cesarei, et di le monede, che loro volevano oro, era conza la differentia, et

Fo in questo zorno sul canal grando fatto una bella festa, che tutti potè veder. Se maridò sier Antonio Marzello di sier Hironimo *da san Tomà* in la fia di sier Piero Diedo qu. sier Francesco, el qual, havendola zà assà sposada, hozi fè la festa a li compagni, *videlicet* uno burchion grando sul qual fece uno coerto in volto bellissimo sopra colonne da le bande, el qual volto era investido de panni d' oro, de seda et altre prospective, che era un bel veder, et fato uno tavolado veniva in fuora, dove li compagni con le done ballavano. Erano zerca 40 done, Signor de la festa era sier Francesco Mozenigo de sier Lazaro, con uno zipon bianco fatto de sopra con Era questo burchio coperto de pani zali et biavi ch' è l' arma Marzella, et il stendardo de capitano zeneral fo de sier Jacomo Marzello suo avo, et cussi la bandiera de proveditor in armada et altre bandiere tutte Marzelle, et se andava balando suso li compagni con le done. Se parti ditto burchio da chà Marzello di San Tomà, andò fino a San Marco, poi vene fino al ponte de Rialto et tornò in su, et nel venir zoso, in volta de canal, impiorno li torzi, che fu bel veder. Erano alcuni parascelmi per numero 2, uno con bandiere tutte de sier Piero Lando fo zeneral, l' altro da chà Justinian. Et a hore 2 di nocte tutti smontono in chà Marzello a San Tomà dove si cenò.

Fu fato prima una regata de gondole, li preci erano numero, *videlicet* ducati el primo, el secondo ducati, el terzo ducati, el quarto ducati Vogoe barche numero : sichè fu una bella festa, tene la terra in festa. Fo pioza un poco, poi cessò.

In questo zorno zonse in questa terra la marchesana vechia di Mantoa, madre de questo marchese, venuta con li sui burchii. Alozoe in casa del suo ambador in chà Barbaro a San Samuel. È venuta, per star qualche dì qui, con boche zerca 40.

di sier Carlo Capello orator, di 7 mazo. Scrive di la gran carestia è in quella terra *ut in litteris*. Et come ussirono fuora di la terra a dì 3000 fanti, et feno una grossa scaramuza con inimici, et fo amazà el capitano Erera spagnol et molti altri, et quelli de là di Arno conveneno venir di quà per aiutar li soi, et come era stà ferito a morte Otavian Signorelli el qual è per morir, et altre particolarità. *Item*, come erano ussiti 10 capitani fuor de la tera, andati per far fanti. Et di la scaramuza, che durò 4 hore, morti de quelli dentro zerca 100 et de fuora più de 500. Scrive la gran carestia è in la terra, et ne muor 200 al zorno da desasio, per manzar carne de cavalo, aseni et gati.

In questa matina, per la Signoria, fu concesso a li Avogadori de comun dovessero aldir Cosia Mahumeth moro de Alexandria, venuto in questa terra, contra Francesco de Vilo, el qual tolse specie dal dito et non le pagoe, et *servatis servandis* fazino raxon et justitia.

Da poi disnar, fo audientia de la Signoria, redu- 132 ti tutti 6 Consieri. Fono sopra el caso de' Foscari con sier Fantin Corner per el *ius patronatus* de l' Arena de Padoa, et rimeseno a dir la sua opinion venere da matina.

Et li Savi alditeno la causa de Pordenon, *videlicet* li citadini, avvocato sier Antonio Manolesso, contra el signor Liviano fo fiol del signor Bortolomio, li quali voriano che le appellation venisse in questa terra, et lui vol esser lui quello termini le appellation del suo podestà, metando lui, el qual al presente è sier Zuan Barbo, fo podestà a Muran, di sier Alvise. Et fo rimessa aldirli.

In le do Quarantie, hozi poi disnar, in el caso de Loredani parloe sier Zuau Dollin fo avogador, el qual è in questo caso.

Et nota. Li Avogadori presenti par non se impazino.

A dì 25, la matina. Fo lettere di Franza, di sier Sebastian Justinian el cavalier, orator, date in Angulem, a dì april. Coloqui hauti col re, qual li ha ditto haver provisto a tutti li danari et trovato ducati un milion et 400 millia, et questo per le monede non volevano tuor, sichè a dì 10 sperava certo li saria fata la consignation de fioli. Scrive esso orator haversi dolesto de le nostre nave prese dal corsaro francese. Soa Maestà disse dolersi assai, et che faria mandati in Provenza, a Marseia, et per tutte le terre de marina, che capitando esso corsaro con le nave sia retenuto etc. Et zerca el salvoconduto di le galie di Fiandra ordi-

131* A dì 24, la matina. Fo lettere da Fiorenza,